

**Uunga siunnersuut: Sanaartukkat innaallagissamut sakkortuumut atugassat atortullu
innaallagiatortut pillugit inatsisartut peqqussutaata allanngortinneqarnissaa pillugu
inatsisartut inatsisaat nr. Xx, xx. xxx 2019-imeersoq**

Inuussutissarsiornermut Nukissiuuteqarnermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai
Inatsisartunut ilaasortaq Henrik Fleischer, Siumut, Siulittaasoq
Inatsisartunut ilaasortaq Múte Bourup Egede, Inuit Ataqatigiit, siulittaasup tullia
Inatsisartunut ilaasortaq Mala Høy Kúko, Siumut,
Inatsisartunut ilaasortaq Hermann Berthelsen, Siumut
Inatsisartunut ilaasortaq Randi Vestergaard Evaldsen, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Tillie Martinussen, Suleqatigiissitsisut

UKA 2019-imi 27. marts siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Inatsisartut peqqussutaata atuuttup 1994-imeersup nutarterneqarnissaa siunnersuuteqarnermi siunertaavoq. Taamaalillunilu pingaarnertut pineqarput teknikikkut erseqqissaaneq aammalu Nukissiorfinnut aningaasanut inatsisikkut aningaasaliissutigineqartunit aningaasaqarnerata avissaartinneqarneratigut Innaallagissiornermut Oqartussat immikkut oqartussaqaqarfinngortinneqarnerannik erseqqissaaneq.

2. Siunnersuutip siullermeerneqarnera

Siunnersuutip imarisaa Inatsisartunit nalinginnaasumik taparserneqarpoq. Taamaalillunilu suliatigut naalakkersuinikkullu ilassutaasumik misissorneqarnissaa taamaallaat pillugu siunnersuut ataatsimiititaliamut ingerlateqqinneqarpoq. Inatsisissatut siunnersuutip

qulequtaata oqaatsitigut erseqqissaateqarfiginissaa oqaluuserineqarpoq, tamannalu ataatsimiititaliap naatsumik ataasiakkaanik oqaaseqarfigissavaa.

3. Tusarniaanermut akissutit

Tusarniaanermut akissutit inatsisissatut siunnersuummut ilanngunneqarsimapput, tamannalu Inatsisartut Siulittaasoqarfiata ilusiliinissamut piumasaqataanut naapertuuppoq.

Tusarniaanermut akissutit akuersaartuusut - imaluunniit soqutigisaqartut inatsisissatut siunnersuutip suliarineqarneranut toqqaannartumik peqataasimasut – ataatsimiititaliamit maluginiarneqarpoq.

4. Ataatsimiititaliap siunnersuummik suliarinninnera

Siunnersuut aammalu siunnersuutip siullermeerneqarnerani oqaaseqaatigineqartut ataatsimiititaliamit misissorneqarput. Ataatsimiititaliamit aallarniutigalugu maluginiarneqarpoq siunnersuut tapersorneqarluartoq. Taamaattumillu siunnersuutip qulequtaa pillugu oqallinneq ataatsimiititaliamit naatsumik isummerfigineqassaaq.

4.1 Siunnersuutip qulequtaa pillugu

Siunnersuutip danskisut qulequtaraa:

Forslag til: Inatsisartutlov nr. xx af xx. xxx 2019 om ændring af landstingsforordning om elektriske stærkstrømsanlæg og elektrisk materiel

kalaallisullu:

Uunga siunnersuut: Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq

Inatsisartut peqqussutaat atuuttoq kalaallisut ima qulequtaqarpoq

Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersoq

Inatsisartut peqqussutaata qulequtaa ima oqaasertaqalersillugu iluarsineqarnissaa oqallinnermi siunnersuutitut saqqummiunneqarpoq:

Uunga siunnersuut: Innaallagissap sarfaanut sakkortuumut atortut, atortullu innaallagiatortut pillugit inatsisartut peqqussutaata allanngortinneqarnissaa pillugu inatsisartut inatsisaat nr. Xx, xx. xxx 2019-imeersoq

Inatsisartut peqqussutaannut atuuttumut allannguutissatut siunnersuut pineqarmat 1994-imi qulequttatut akuerineqaqqaartoq siunnersuummut aallaaviusariaqarpoq (aamma peqqussutip qulequtaani oqaatsit ersernerlussinnaasut atorneqarsimagaluarpataluunniit). Taamaattumillu oqaatsitigut amigaatip tamatuma ilusiliinikkut maanna iluarsineqarnissaanut periarfissaqanngilaq.

Tamanna tunngavigalugu ataatsimiititaliaq isumaqarpoq Inatsisartut peqqussutaata atuuttup allanngortinneqarnissaanik inatsisissatut siunnersuutip qulequtaani inatsimmut atuuttumut qulequtaq innersuussutigineqartariaqartoq. Siunissami suliassaqarfimmud inatsisit ataatsimoortumik nutarterneqarneranni ajornartorsiutip tamatuma iliuseqarfigineqarnissaa naatsorsuutigineqarpoq.

5. Siunnersuutip aningaasaqarnikkut kingunerisassai

Siunnersuutip piviusunngortinneqarnerani aningaasaqarnikkut kingunerisassat siunnersuummut nalinginnaasumik nassuiaatini allaaserineqarput. Tassani allassimavoq siunnersuutip aningaasaqarnikkut kinguneqarnissaa naatsorsuutigineqanngitsoq, tassa Innaallagissiornermut Oqartussanut maanna aningaasaliissutit Nukissiorfinnut aningaasaliissutinit avissaartinneqarmata. Tunngavissat pigineqartut naapertorlugit Naalakkersuisut naliliinerannit allaanerusumik naliliinissaminut ataatsimiititaliaq tunngavissaqanngilaq.

6. Ataatsimiititaliap inassuteqaatai

Tamanna tunngavigalugu siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Henrik Fleischer
Siulittaasoq

Herman Berthelsen

Múte B. Egede
Siulittaasup tullia

Mala H. Kúko

Randi V. Evaldsen

Peter Olsen

Tillie Martinussen